

Eiu ghitarra tralasciata, nant'à u muru appiccata
Oghje mi vogliu lagnà
E dumane chì ne serà, sola sola, ùn possu stà
Senza musica, senza sunà, senza sunà

Mi ricordu certe sere, e serinate sincere
D'un amore infiaratu
A zitella spasimava, da la voce di l'amatu
Chì cantava à più pudè, à più pudè, à più pudè

Eiu ghitarra tralasciata, nant'à u muru appiccata
Oghje mi vogliu lagnà
E dumane chì ne serà, sola sola, ùn possu stà
Senza musica, senza sunà, senza sunà

Forse un ghjornu venerà, una manu mi frischerà
Le mo corde da trimà
Nascerà un altru amore, da pizzicà ne lu core
Lu mo legnu lacrimà, lacrimà, lacrimà

Eiu ghitarra tralasciata, nant'à u muru appiccata
Oghje mi vogliu lagnà
E dumane chì ne serà, sola sola, ùn possu stà
Senza musica, senza sunà, senza sunà

In la casa di l'amore, seraghju eiu lu tesoru
Da musicà la so vita
Nasceranu le canzone, fiurisceranu li cori
D'una lea infinita, infinita, infinita

In la casa di l'amore, seraghju eiu lu tesoru
Da musicà la so vita
Nasceranu le canzone, fiurisceranu li cori
D'una lea infinita, infinita, infinita, infinita
Infinita, infinita, infinita
Infinita, infinita infinita
Infinita, infinita, infinita